

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Privremena komisija za izbor i imenovanja
Broj: 02/6-02-83/15
Sarajevo, 15. 1. 2015. godine**

**DOMU NARODA
PARLAMENTA FEDERACIJE
BOSNE I HERCEGOVINE**

Privremena komisija za izbor i imenovanja Doma naroda Parlamenta Federacije Bosne i Hercegovine, dana 15.1.2015. godine održala je sjednicu i tom prilikom razmatrala:

- **Prijedlog za izbor predsjedavajućeg i potpredsjedavajućeg Doma naroda Parlamenta Federacije Bosne i Hercegovine**

Na osnovu člana 51., a u vezi sa članom 60. Poslovnika o radu Doma naroda Parlamenta Federacije Bosne i Hercegovine, Privremena komisija podnosi Domu naroda sljedeći

IZVJEŠTAJ

Dom naroda Parlamenta Federacije Bosne i Hercegovine, u skladu sa Amandmanom XXXVI na Ustav Federacije Bosne i Hercegovine ("Službene novine Federacije BiH", broj: 16/02), među svojim članovima bira predsjedavajućeg i dva potpredsjedavajuća koji ne mogu biti iz istog konstitutivnog naroda.

Prijedloge za izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine, u skladu sa članom 35. Poslovnika o radu Doma naroda, dostavili su klubovi naroda.

Za predsjedavajuću Doma naroda Parlamenta Federacije Bosne i Hercegovine predložena je:

LIDIJA BRADARA, iz reda hrvatskog naroda.

Za potpredsjedavajućeg Doma naroda Parlamenta Federacije Bosne i Hercegovine predložen je:

JASENKO TUFEKČIĆ, iz reda bošnjačkog naroda.

Klub delegata srpskog naroda nije dostavio prijedlog za potpredsjedavajućeg Doma naroda Parlamenta Federacije BiH.

Komisija predlaže Domu naroda da usvoji prijedlog i donese Odluku o izboru predsjedavajućeg i potpredsjedavajućeg Doma naroda Parlamenta Federacije Bosne i Hercegovine.

Klub delegata hrvatskog naroda je u skladu sa odredbama Ustava Federacije BiH dostavio prijedlog da **MARINKO ČAVARA** bude izabran za predsjednika Federacije.

Klub delegata bošnjačkog naroda je u skladu sa odredbama Ustava Federacije BiH dostavio prijedlog da **MELIKA MAHMUTBEGOVIĆ** bude izabrana za potpredsjednika Federacije BiH.

Klub delegata srpskog naroda nije dostavio prijedlog za izbor potpredsjednika Federacije BiH.

Iz tog razloga nije bilo moguće utvrditi zajedničku listu tri kandidata za predsjednika i potpredsjednike Federacije BiH, i privremena izborna komisija predlaže da se o nepotpunoj listi za izbor predsjednika i dva potpredjednika Dom naroda Parlamenta Federacije Bosne i Hercegovine ne izjašnjava.

Komisija predlaže da Dom naroda Parlamenta Federacije BiH u skladu sa članom 131. Poslovnika o radu Doma naroda Parlamenta Federacije BiH na današnjoj sjednici izvrši izbor delegata u Dom naroda Parlamentarne skupštine Bosne i Hercegovine u skladu sa Ustavom Bosne i Hercegovine i zakona.

**IZVJESTILAC PRIVREMENE
KOMISIJE ZA IZBOR I IMENOVANJA**